




Authorized Samoan Language Translation from Dennis Smith's 10-DAYS of Prayer & Fasting

Translated by: Tupito Lam Yuen Voigt

“SEFULU ASO O TALOSAGA”

Taapēnaina e le Matagaluega o Galuega Faamisionare

Small Group: _____

Ta'ita'i: _____

ASO MUAMUA – PAPATISO MAI I MATOU

Ia Faatali mo le folafolaga

- Tusi Faitau: Galuega 1 & 2
 - Mau Faapitoa: Galuega 1:5 - “Aua na papatisoina lava Ioane i le vai, a o outou, e papatisoina outou i le Agaga Paia e le tele ni aso e va a’i.”
 - Tatalo Faatauana mo:
 1. Le ekalesia ina ia tuufaatasia loto a’o tatalo faatauana mo le Atua ia liligi ifo le mana ma le malosiaga e maua mai i le Agaga Paia;
 2. Le Agaga Paia ina ia ulufia uma lenei tupulaga, o e matutua, o le au talavou, ma fanau, o alii ma tamaitai, o le ekalesia atoa uma;
 3. Se faamagaloga o le ekalesia mo taimi ua tuanai na tau le amanaia ma lē usitaia ai le musumusuga a le Agaga Paia.
-

ASO LUA – IA FAAMALOSIA I MATOU

Ia avea ma A’u molimau

- Tusi Faitau: Galuega 3, 4, 5
 - Mau Faapitoa: Galuega 1: 8 “Ae maua e outou le mana, pe a afio ifo le Agaga Paia i luga ia te outou; e fai foi outou ma molimau ia te a’u i Ierusalema ma Iutaia uma lava, ma Samaria, e oo lava i le tulu’iga o le lalolagi.”
 - Faagaioiga o Talosaga: Au mai ni moliga’o, ia tofi lava le tagata; a’o faamumu ia moliga’o e tagata taitoatasi, tatalo:
 1. Mo tagata uma o le ekalesia ina ia faasusulu atu le malosiaga o le Agaga Paia i le lalolagi e mafai e le Atua ona faaola, faamagalo, ma laveai tagata uma
 2. Mo le faamagaloga o le ekalesia ona o le lē talitonu i le malosiaga e maua mai i le Agaga Paia e mafai ai ona faia vavega tetele mo le Atua
 3. Mo le Agaga Paia ina ia faaaupagaina le ekalesia i mea alofa ma le loto tele e faaaogaina ai ia mea alofa e molimau atu ai.
-

ASO TOLU - FAAPAIA MAI I MATOU

Ia paia, e pei ona Paia a’u.

- Tusi Faitau: Galuega 6, 7, 8

- Mau Faapitoa: Ioane 15:16 - “Ua le filifilia A’u e outou, a ua filifila outou e A’u; ua ou tuuina atu fo’i outou ia outou ō, ma ia outou fua mai ai fua, ma ia tumau o outou fua; ina ia foaiina atu ia te outou e le Tamā mea uma lava tou te ōle atu ai ia te Ia i lo’u igoa.”
- Tatalo Faatauana:
 1. Mo tagata uma lava o le ekalesia ina ia maua le mautinoaga i le feau na valaauina faapitoa ai tagata taitoatasi e le Atua i lana ekalesia, ina ia maua le loto e malosi e mafai ai ona auauna atu i nisi, e le gata i totonu lava o le ekalesia, ae o e tuaoi, i fale faigaluega, ma mea uma e ono molimau atu ai le alofa o le Faaola;
 2. Mo le malamalaaga fou i le mamalu, o le taūa o le tuualalo, o le faigofie, ma le mautinoa o le fe’au a le ekalesia
 3. Mo le lalolagi ina ia latou iloa ma vaaia Keriso i o tatou olaga, e molimauina ai le agalelei o le Alii Faaola ma le taūa o lana faaolataga.

ASO FA – TA’ITA’I MATOU

Ia iloa le mea moni

- Tusi Faitau: Galuega 9, 10, 11
- Mau Faapitoa: Ioane 16:13 “Ae a malii mai o ia, o le Agaga lea e tupu mai ai le upu moni, e ta’ita’i e ia ia te outou i upu moni uma aua e le tautala fua ia na o ia ...”.
- Faiga o Talosaga: Moeiini mata o le potopotoga, ae a oo i le taimi e tatalo ai le tagata, ona tatala lea o ona mata, toe moeiini foi pe a uma lana tatalo, ma faasolo faapena seia soo uma le au tatalo.

Tatalo Faatauana:

1. Mo le au faatuatua ina ia latou vaaia Keriso i foliga alofa na ia faia ai le taulaga mo i tatou uma;
 2. Ina ia iloa e le ekalesia le feau ia Keriso e ao ina ia faasoa atu i le lalolagi atoa, o lona alofa ma lana valaau mai ia tatou talia o Ia;
 3. Mo i latou uma e le i iloa o Ia, ina ia faapupula e le Agaga Paia o latou mata ia vaaia foliga alofa o le Faaola.
-

ASO LIMA – IA LIUA I MATOU

Salamō ma Talitonu

- Tusi Faitau: Galuega 12, 13, 14

- Mau Faapitoa: Ioane 16:8 “A maliliu mai fo’i o Ia, na te faailoa atu i le lalolagi le agasala, ma le amiotonu, ma le faamasinoga.”
- Talosaga Faatauana:
 1. Mo le Agaga Paia ia faaalila mai ia i tatou o ō tatou faaletonu e le gata i le Agaga Paia, ae o auala ua tatou le usitai ai i le Atua ma faatiga i uso a tagata; aumai le malosi e mafai ai ona ōle atu ma faato’ese ina ua suia o tatou olaga;
 2. Ia molimauina e le lalolagi le agalelei o le Atua e ala lea i se ekalesia e le faatua ai lona alofa i tagata uma;
 3. Mo le tagata kerisiano ina ia faamuamua Iesu, ae le o le mea e mana’o ai lava le tagata ia.

ASO ONO – FAAMAFANAFANA I MATOU

Ia outou mautinoa, ua Ou manumalo

- Tusi Faitau: Galuega 15, 16, 17
- Mau Faapitoa: Ioane 14:16 “Ou te fai atu fo’i i le Tamā, ona foa’i mai ai lea e ia ia te outou le tasi Fesoasoani, ina ia tumau ai pea o ia ia te outou e faavavau.”
- Faiga o Talosaga: Ave ane se manoa pe o se fasi maea; ia u’uina lea maea e I latou uma lava o le mafutaga ao faia talosaga.
- Tatalo Faatauana:
 1. Mo le malosi, loto tele, o le alofa e le uma, ma le olioli i le Alii o kerisiano uma lava o lo’o feagai ma sauaga ona o lo latou faatuatuaga i le Faaola;
 2. Mo tagata uma lava, i totonu o aiga, o taitai o malo, pe o faalapotopotoga foi o loo faasaua i kerisiano ina ia latou iloa le alofa ma le agalelei o Iesu;
 3. Mo le Atua ina ia foai mai le malosi ia te i tatou ina ia tatou mafai ai ona sao mai puapuaga, o le mativa, o tauemuga, o faamai e oo mai, ma faigata uma lava tatou te faafeagai pea i aso uma.

ASO FITU – IA FUSIA I MATOU UMA IA TASI AI I MATOU

Ia tasi outou ina ia talitonu ai le lalolagi

- Tusi Faitau: Galuega 18, 19, 20

- Mau Faapitoa: Ioane 17:21 “Ina ia tasi latou uma, faapei o oe le Tamā o i totonu ia te A’u, o a’u fo’i o i totonu ia te Oe, ina ia tasi i latou i totonu ia te i ta’ua; ina ia talitonu le lalolagi ua e auina ma A’u.”
 - Faiga o Talosaga: U’u lima faatasi le potopotoga ao faia talosaga.
 - Tatalo Faatauana:
 1. Ina ia aumaia e le Atua i o tatou tagata uma loto mauualalo ma le mama ina ia tatou taliaina o soo se tagata e ui e eseese o tatou aiga tatou te omai ai, o o tatou manatu ma mafaufauga, o manaoga taitoatasi e ona avea ma faigata i le va o tagata;
 2. Ina ia avea tatou uma ma nisi e vave ona faamagalo isi ia mafai ai ona galulue faatasi i le loto gatasi;
 3. Mo le ekalesia ina ia galulue faatasi e faaoga ai tamaoaga ma mea ua tagolima iai le ekalesia ma ona tagata e avea ia ma mea alofa mo nisi, e ata atu ai le Keriso o loo alofa mai pea ia i tatou.
-

ASO VALU – IA LAVEA’I MATOU

Faapupula o latou mata

- Tusi Faitau: Galuega 21, 22, 23
 - Mau Faapitoa: Galuega 26:18 “E faapupula i o latou mata, ia liliu mai ai le pouliuli i le malamalama, mai le pule fo’i a Satani ia liliu i le Atua; latou te maua ai le faamagaloina o agasala, ma le tofi faatasi ma i latou ua faapaiaina i le faatuatua ia te a’u.”
 - Talosaga Faatauana:
 1. Mo le manumalo o Keriso ia Satani ma le agasala ina ia mafai ona tatou ta’uta’u atu i nisi latou te le i taliaina lea manumalo ma le faaolataga;
 2. Mo tagata uma ia saoloto mai le pologa o le agasala ma le saisaitia ua manumalo ai le tiapolo i loto ma olaga sese;
 3. Ia faaali Keriso ia te i latou uma ua fia iloa le Alofa Tunoa ua maua fua mai i le taulaga o le Maliu o Iesu.
-

ASO IVA – A’OA’O MAI MATOU INA IA MATOU ILOA TATALO

- Tusi Faitau: Galuega 24, 25, 26

- Mau Faapitoa: Luka 18:7 “E ui lava ina tuai mai le Atua i e na ia filifilia, o loo alalaga i latou i le ao ma le po, pe le faamasino ea o ia i a latou mea?”
 - Faiga o Talosaga: Faaavanoa sina taimi filemu e le iai se tala e faia ae mafaufau loloto ma valaaulia le Agaga o le Atua i o tatou loto; o le ā sona finagalo ua faaalua mai i lou loto?
 - Talosaga Faatauanau:
 1. Ina ia iloa ma maua e le ekalesia se malosiaga fou e talitonu atoatoa ai e tali mai le Atua i talosaga;
 2. Ia a’oa’o mai i tatou e le Agaga Paia ina ia tatou iloa ma onosa’i, e faatali mo le leo o le Atua, na te taitai i tatou;
 3. Ia maua ma mautinoa e le ekalesia atoa le talitonuga i le tatalo faatauanau i taimi uma lava o lo tatou ola.
-

ASO SEFULU – IA VAVAE ESE MAI I TATOU

Ia o atu i le lalolagi ma faailoa atu le Atua

- Tusi Faitau: Galuega 27, 28
 - Mau Faapitoa: Galuega 13:2 “O latou o auauna i le Alii ma anapopogi, ona fetalai mai lea o le Agaga Paia, Totofi ia mo a’u o Panapa ma Saulo i le galuega ua ou valaauina ai i laua.”
 - Talosaga Faatauanau:
 1. Ina ia vave le tali atu a le ekalesia i le valaauina e le Matai ia faaali atu lona alofa i aiga, uo, ma i latou e le’i taliaina le taulaga a le Faaola.
 2. Ina ia maua e le ekalesia atoa lava le naunau e tautua ma le faamaoni i auala uma i la le agaga, o tamaoaiga, malosi, taleni ia faaaogaina e faasoa atu ai Keriso;
 3. Mo avanoa uma lava e mafai ona molimau atu ai i soo seisi o loo mana’omia Keriso, ina ia faaalua o Ia, o le Faaola mo tagata uma e talia o Ia.
-